

Peranan UPM lebih meluas

Oleh Radzi Wahab

SERDANG, Khamis - Datuk Seri Dr Mahathir Mohamad hari ini mengumumkan Universiti Pertanian Malaysia (UPM) kini dikenali sebagai Universiti Putra Malaysia, selaras pembabitan yang terletak dalam bidang sains dan teknologi.

Perdana Menteri berkata, nama baru itu juga dipilih kerana lokasinya bersebelahan Putrajaya, pusat pentadbiran baru kerajaan yang terletak dalam Koridor Raya Multimedia (MSC).

Malah, katanya, nama baru institusi pengajian tinggi itu juga turut mengambil nama Perdana Menteri pertama, Tunku

Abdul Rahman Putra.

"Walaupun namanya sudah berubah, kita masih tetap mengekalkan nama singkatannya, UPM kerana ia sudah sebatian dengan rakyat.

"Malah, Putra juga bermakna rakyat yang muda dan remaja," katanya ketika berucap di Majlis Dialog Bersama Pelajar dan Kakitangan UPM sempena lawatan seharinya di universiti itu.

Pengumuman Perdana Menteri itu turut disambut dengan tepukan gemuruh kira-kira 3,000 pelajar dan kakitangan universiti yang memenuhi Dewan Sultan Salahuddin Abdul Aziz.

Turut hadir Menteri

Pendidikan, Datuk Seri Najib Tun Razak; Menteri Pertanian, Datuk Dr Sulaiman Daud dan Naib Canselor UPM, Prof Datuk Dr Syed Jalaludin Syed Salim.

Dr Mahathir berkata, nama universiti itu perlu ditukar kerana peranannya bukan lagi tertumpu kepada bidang pertanian semata-mata, sebaliknya melakukan penyelidikan dan pembangunan bidang sains dan teknologi seperti teknologi maklumat dan multimedia.

"Saya harap penukaran nama itu akan menjadi pendorong kepada mereka di UPM untuk terus bekerja keras bagi memajukan universiti ini

serta negara," katanya.

Beliau bangga dengan kemajuan dicapai UPM, terutama melalui bidang pembangunan dan penyelidikan (R&D) yang sudah banyak menghasilkan barangan melalui pengeluaran unik.

Pada masa ini, 60 peratus daripada lebih 23,000 pelajar universiti itu menuntut dalam bidang sains dan selebihnya di dalam bidang sastera dan sains sosial.

Tahun lalu sahaja, UPM meraih Anugerah Institusi Penyelidikan dan Pembangunan Yang Terbaik di Malaysia, Anugerah Pengurusan Khas Teknologi Maklu-

mat dan Anugerah Pencapaian Teknologi Maklumat Persatuan Industri Komputer Malaysia (Pikom).

Perdana Menteri berkata, walaupun sebahagian besar ekonomi Malaysia kini bukan lagi berasaskan pertanian, kegunaan hasil sektor pertanian dalam industri tidak harus dilupakan.

Dalam era teknologi maklumat sekarang, teknologi itu perlu digunakan bagi meningkatkan lagi hasil pertanian.

Katanya, ini penting kerana pada masa akan datang, hasil pertanian akan dikeluarkan oleh sebilangan kecil tenaga pekerja tetapi perlu

mampu menampung keperluan masyarakat dalam industri lain.


Terdahulu, Dr Mahathir diberi taklimat mengenai pembangunan UPM oleh Prof Dr Syed Jalaludin.

Perdana Menteri juga menyaksikan majlis menandatangani memorandum persefahaman di antara UPM dan Technology Resources Industries Bhd (TRI) bagi penubuhan Post Graduate School of Management (Sekolah Pengurusan Lepas Ijazah).

Pengerusi TRI, Tan Sri Tajudin Ramli, mewakili TRI, manakala UPM diwakili Dr Syed Jalaludin.

PERDANA MENTERI DATUK SERI DR MAHATHIR MOHAMAD MELAWAT KUWAIT MULAI 5 HINGGA 6 APRIL

Keluasan : 17,818 km per
Penduduk : 1.69 juta
Ibu negeri : Kuwait City
Cuaca : Kuwait mengalami cuaca kering separa tropika. Musim panas Mei hingga Oktober tersangat panas dengan suhu antara 43 dan 54 darjah Celsius. Musim sejuk, antara November dan April, pada amnya sejuk.



Khidmat kesihatan adil untuk semua rakyat

DARI MUKA 1

Kematian nahas rugikan negara

DARI MUKA 1

hiran serta prosedur menyelamatkan mangsa kemalangan. Konsep ini diakui antarabangsa sebagai bahagian penting yang berkesan dalam keseluruhan sistem perubatan kecemasan," katanya.

Perdana Menteri berkata, sebagai persiapan menjadi tuan rumah Su-

negara kerana ia mem-babitkan sebahagian besar warga muda berusia antara 20 hingga 40 tahun.

Malah, dalam tempoh 18 hari ketika musim perayaan Tahun Baru Cina dan Aidilfitri lalu, 641 pengguna jalan raya terbunuh, 565 parah dan 892 cedera ringan akibat ke-